

Na osnovu člana 10a. tačka d) Zakona o javnim nabavkama („Službeni glasnik BiH”, broj 39/14 i 59/22),

#### UGOVORNE STRANE:

**1. Zavoda zdravstvenog osiguranja Kantona Sarajevo, ulica Ložionička broj 2., Sarajevo, ID: 420011521000| koga zastupa direktor Mr.sci.oec. Muamer Kosovac (u daljem tekstu: Klijent);**

i

**2. ZAK „Gavrankapetanović Bekir, Koldžo Damir, Kukić Emir, Gavrankapetanović Džemila, Gavrankapetanović B. Bekir“ ID: 4300109730007, PDV: 300109730007 koga zastupa Damir Koldžo (u daljem tekstu Advokat);**

s k l a p a j u

#### UGOVOR O PRUŽANJU PRAVNIH USLUGA - ADVOKATSKIH USLUGA

##### Član 1.

(1) Predmet ovog Ugovora je pružanje advokatskih usluga za potrebe Klijenta, a s ciljem osiguranja kvalitetne i stručne pravne podrške Klijentu, prema tehničkoj specifikaciji advokatskih usluga u skladu sa uslovima Poziva za dostavljanje ponude broj 06/2-11-8-3001-2/26 Š.S. od 19.02.2026. godine i prihvaćene ponude ponuđača broj 06/2-11-8-3001-3/25 S.Š od 19.02.2026. godine, koja čini sastavni dio ovog Ugovora.

(2) Ovaj Ugovor zaključuje se na osnovu Odluke o pokretanju postupka javne nabavke pravnih - advokatskih usluga koje su izuzete od primjene Zakona o javnim nabavkama.

##### Član 2.

(1) Poslovi/usluge koje su predmet ovog ugovora obuhvataju:

a) Usluge pravnog zastupanja u postupcima pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama,

b) Usluge pravnog savjetovanja (uključujući i slanje podnesaka svake vrste) koje Advokat pruža tokom pripreme bilo kojeg od postupaka iz tač. a) ovog stava ili ako postoji konkretna vjerovatnoća, odnosno izvjesnost da će pravna stvar na koju se savjetovanje odnosi postati predmet takvih postupaka.

(2) Obim zastupanja u pojedinačnim slučajevima definiše se izdatim punomoćima.

##### Član 3.

(1) Klijent se obavezuje da će za svaki predmet koji se Advokatu ustupaju na zastupanje dostaviti posebnu punomoć i potrebnu dokumentaciju koju posjeduje a koja se odnosi na predmet spora.

(2) Advokat će komunikaciju u vezi sa predmetom spora ostvarivati sa kontakt osobom koju imenuje odgovorno lice Klijenta, odnosno sa koordinatorom za provedbu ovog ugovora. Klijent se obavezuje da, po imenovanju, pisanim putem dostavi Advokatu podatke o imenovanoj kontakt osobi, odnosno koordinatoru.

(3) Advokat se obavezuje da će koordinatora za provedbu ovog ugovora blagovremeno upoznati sa poduzetim i planiranim aktivnostima po ustupljenim predmetima, naročito prije poduzimanja procesnih radnji.

#### Član 4.

(1) Advokat se obavezuje sve poslove iz člana 2. ovog Ugovora obavljati stručno, savjesno i blagovremeno, u skladu sa Ustavom, zakonom i drugim propisima advokatske struke, posebno vodeći računa da u postupanju ne prouzrokuje šteta Klijentu i nepotrebne troškove postupka, te će poduzeti sva raspoloživa pravna sredstva da spriječi nastanak istih.

(2) Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu u skladu sa zakonskim propisima advokatske struke.

#### Član 5.

Klijent se obavezuje da po rješenju ili nalogu Suda, uz zahtjev Advokata izvrši uplatu sudskih taksi ili vještačenja u rokovima koje Sud odredi za svaki predmet u sudskom postupku, a uz prethodnu dostavu rješenja ili naloga Suda koji će Advokat dostaviti Klijentu odmah po prijemu od strane Suda.

#### Član 6.

Ukoliko u toku trajanja Ugovora nastupe određene okolnosti u kojima Advokat u konkretnom predmetu ima sukob interesa u pravnom zastupanju klijenta shodno odredbama člana 2. Zakona o advokaturi i odredbama Kodeksa advokatske etike, Advokat će po saznanju o postojanju sukoba interesa o navedenom odmah obavijestiti Klijenta i postupiti prema citiranim odredbama.

#### Član 7.

Ovaj Ugovor zaključuje se na period od 1 (jedne) godine ili do utroška sredstava planiranih za ovu nabavku, u zavisnosti koji uslov prije nastupi.

#### Član 8.

(1) Ukupna cijena za izvršenje predmetnih usluga za period iz člana 7. ovog ugovora iznosi:

Ukupna cijena bez PDV-a 68.376,07 KM

Iznos PDV-a 11.623,93 KM

Ukupna cijena sa PDV-om 80.000,00 KM

(Slovima: osamdeset hiljada i 00/100 konvertibilnih maraka)

(2) Isplata ugovorene cijene za ugovoreni period će se vršiti mjesečno, nakon dostavljenog izvještaja od strane Klijenta i ispostavljanja ispravne fakture za mjesec za koji je usvojen izvještaj.

#### Član 9.

Cijena advokatskih usluga (usluge zastupanja) u ime i za račun Klijenta obračunavat će se na način kako slijedi:

- a) Usluge pravnog zastupanja u postupcima pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama, obračunavat će se prema Tarifi o nagradama i naknadi troškova za rad advokata, uz uračunavanje (obračun) popusta u visini od 10%,
- b) Usluge pravnog savjetovanja (uključujući i slanje podnesaka svake vrste) koje Advokat pruža tokom pripreme bilo kojeg od postupaka iz tač. a) ovog člana ili ako postoji konkretna vjerovatnoća, odnosno izvjesnost da će pravna stvar na koju se savjetovanje odnosi postati predmet takvih postupaka, utvrđuje se na način da se naknada iskazuje u procentu (%) realizacije preuzetih i okončanih poslova te po tom osnovu naplaćene naknade koja iznosi 10% u odnosu na vrijednost okončanog posla (proces).

#### Član 10.

Klijent se obavezuje da će cijenu iz člana 8. ovog Ugovora plaćati prema navedenim uslovima (odobranje/usvajanje izvještaja i ispostavljanje fakture), u roku do 60 (šezdeset) dana od dana prijema ispravne fakture koju ispostavi Advokat i dostavi putem protokola Klijenta. Obavezan prilog fakturi je i izvještaj (tabelarni pregled) preuzetih i okončanih poslova i po tom osnovu naplaćenih sredstava /naknade štete iz čl. 65. do 76. Zakona o zdravstvenom osiguranju FBiH.

#### Član 11.

(1) Ugovorne strane mogu otkazati ovaj Ugovor u svako doba, na način da jedna ugovorna strana drugoj uputi pisanu otkaz.

(2) Otkazni rok iznosi 30 (trideset) dana od datuma slanja pisanog otkaza.

#### Član 12.

Ugovorne strane su saglasne da se ovaj Ugovor može raskinuti prije roka iz člana 11. ovog Ugovora, ako jedna od ugovornih strana ne izvršava obaveze iz Ugovora.

#### Član 13.

Advokat se obavezuje da će u slučaju prestanka ovog Ugovora iz bilo kojeg razloga, izvršiti povrat predmeta koji mu budu ustupljeni za izvršenje predmetnih usluga, a Klijent se obavezuje da će zaključno sa tim danom izvršiti obračun i plaćanje svih poduzetih, a neplaćenih usluga Advokata, u svim postupcima iz člana 9. ovog ugovora.

## Član 14.

Ugovorne strane su saglasne da će eventualno nastale sporove iz osnova ovog Ugovora rješavati mirnim putem, a ukoliko to ne bude moguće, za rješavanje istih nadležan je Sud u Sarajevu.

## Član 15.

Za sve ostale odnose i institute koji nisu utvrđeni ovim Ugovorom, a proisteku iz njegove realizacije primjenjivat će se odgovarajuće odredbe važećeg Zakona o obligacionim odnosima.


## Član 16.

- (1) Ovaj Ugovor stupa na snagu danom potpisivanja od strane obje ugovorne strane.
- (2) Ukoliko ugovorne strane ne potpišu Ugovor na istovjetan datum, danom stupanja na snagu Ugovora ima se smatrati kasniji datum potpisa.
- (3) Ovaj Ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka. Dva primjerka Ugovora koji su parafirani u gornjem desnom uglu se vraćaju Klijentu.

ZAK „Gavrankapetanović Bekir,  
Koldžo Damir, Kukić Emir,  
Gavrankapetanović Džemila,  
Gavrankapetanović B. Bekir“



Zavod zdravstvenog osiguranja  
Kantona Sarajevo



Mr.sci.oec. Muamer Kosovac

Broj: 06/2-11-8-3001-4/25 Š.E

Datum:

06-03-2026